

այն տեղը ուր Յիսուս արտասանեց Երանութեանց քարոզը երկու մղոն հեռու կապառնաուսմէն և մէկ մըղոն՝ հացի հրաշքի տեղէն, ուրիշ ո՛ր և է բլուր չի համապատասխաներ այս տուիքներուն: Աւանդութիւնը ապահովապէս ենթարկուած է ուղղակի ազդեցութեան տակ հարթ տարածութեան՝ համեմատութեամբ այն լեռան՝ ուր Յիսուս ընտրեց իր աշակերտները ըստ Ղուկասու (Ձ. 17): Այս կերպով լեռան քարոզին աւանդական տեղը կ'ըլլայ այն քիչ բարձր բլուրը որ եօթն ազբիւրներու մօտ է, և հիմա կը կոչուի Sellâdjetch - chekh Ali ed - Diab, Շէյխ Ալիի գերեզմանին պատճառաւ: Նոյն տեղին շատ մօտիկ կը գտնուի՝ ըստ աւանդութեան, հացի հրաշքի տեղը: Գէպի լիճին կողմը դարձած բլուրին երեսին վրայ փոքրիկ քարայր մը՝ հոն շինուած մատուռի մը նշանները ունի, սակայն ուրիշները հետք մը չեն գտած: Բայց անկարելի չէ որ Պետրոս սարկաւազէն յիշատակուած քարայրը ըլլայ: Բլուրին մերձակայ աղբերակները իրենց արմաւենիներու անտառակներով ստուգիւ կը հրապուրէին շրջակայ տեղերու ժողովուրդները: Եթէ Յիսուս կ'ուզէր բազմաթիւ ունկնդիրներ հաւաքել, այս տեղը շատ յարմար էր: Գիտենք թէ (Մատթ. Գ. 25, Ե. 1) լեռան քարոզին առթիւ Պաղեստինէն եկած մեծ բազմութիւն մը կը յիշէ. այս պարագան կը բացատրէ թէ այս տեղը երկրին բոլոր մեծ պողոտաներուն հետ հաղորդակցութիւն ունէր: Յիսուս իր աշակերտներուն հետ միայնակ լեռը ելաւ, ուրեմն կարելի կ'ըլլայ մըտածել թէ ան միայնակ էր անոնց հետ: Սակայն քարոզին վերջը ցոյց կուտայ թէ բազմութիւնը լուր առած և հետեւած է Անոր՝ երբ լեռնէն վար կ'իջնէր (Մատթ. է. 28, Ը. 1):